



www.BibleForChildren.org


Matayo 8




Zuwa dya katatu niyo kwanda na ndoza uko Galilaya ko mzi ukwitangwa Kana, nine dya Yesu naye andaga uuko. Yesu hamwenga na wanamp'hina wakwe nawalalikwa mwe indoza iyo.



Divai ize isile nine dya Yesu niyo amgamba, “Divai yawe isila.” Nine niyo awagamba wandima, “Dyodyose akuunga awagambileni, damanyeni.”



Yesu niyo awagamba, “Memezeni mabiga mazi.” Niyo woho nao wayamemeza mazi. Niyo awagamba, “Tekeni amazi mmwigaille seuta,” Niyo watenda ivo.



Yudya seuta eze ayalume yadya mazi yahituke divai
naho hamanyize uko ilaile mna wandima nawamanya,
wadya wayatahile yadya
mazi Yudya seuta niyo
amwitanga yudya mlombi,
niyo amgamba, “Want’hu
wose wakaga lumwe
divai yedi, wakajika
ukunywa idya
iyedi niho wegale
idya iihile, weye
kuika divai yedi
kubula ivi
haluse.”





Vilagiso ivi va nk'hongo, Yesu avidamanyaga uko Kana
ya Galilaya vileke aulavanye uwedi
wakwe utendese.
Wanamp'hina wakwe
niyo wamhuwila.



Yesu aitaga kwe kaya kwa Petulo.
Uuko ambwiilaga nine mdodo,
emwo lusazi, alumwa.



Yesu amtozaga mkono, niyo aaho enuka ahonile,
niyo akonga kuwa sank'honila.



Kisingi, zuwa dize diswe, want'hu wamletelaga
wanyonge na wata mp'hopo. Want'hu wabindile ingi
nawamema ho lwazo
lwe nyumba.



Yesu niyo awahonya want'hu wengi wandaga na maine
ye hengi. Naho niyo awalava want'hu mp'hopo nyingi,
mnaalo halekele mp'hopo kulonga kwaviya
zammanyaga.




Want'hu wose waungisaga wamdose Yesu kwaviya
ludole nolukafosa mwakwe niyo
lwawahonya want'hu wose.



Niyo weza want'hu wamwigaille Yesu mnyonge wawe
aholole enulwe ni want'hu wane.




Kwaviya want'hu nawamemesa,
hawadahile kumbwila Yesu. Niyo
waponk'hola langa kulanga
kwe nyumba idya, hadya
andile Yesu. Niyo waseleza
lusazi lwa yudya
mnyonge.




Yesu eze aone mhuwi wawe, niyo amgamba yudya
mnyonge aholole,
“Mwanangu, kuusilwa
wavu wako.” “Nakugamba,
kimala, guha lusazi
lwako wiite kaya.”



Yesu eze engile mwe ngalawa, wanamp'hina wakwe
nao niyo wamtimila. Kwandaga
mjubwaniso mkulu mwe bahali,
naho ingalawa yandaga aka
didimila, mna Yesu
andaga kagona.



Yesu niyo awagamba, “Mwogohai nyuwe mhungukilwe nu mhuwi?” Niyo enuka no kukonga kuditivila idya ink'hung'unt'ho, niyo mijubwaniso wanyamala, niyo kwa tondowala. Want'hu wose niyo weehelwa, wakagamba, “Uyu ni mnt'hu ywa vivihi akwivigwa hata ni nk'hung'unt'ho ne mijubwaniso ye bahali!”



Kwaviya Mnungu nakawaungisa want'hu
wa mwe isi niyo amwigala Mwanawe
heena miyawe vileke kila yumwenga
akumhuwila asekwaga mna
ande no ugima wa
ulo na ulo.



Walumi 3:23

kwaviya wose wadamanya wavu no kuhungukilwa
no ukulu wa Mnungu.

Walumi 6:23

Kwaviya maliho yo wavu ni file, mna geleko dya Mnungu ni
ugima wa ulo na ulo mwo kulungana na
Yesu Kilisito Zumbe ywetu.

Waibulania 9:27

Naho want'hu waikilwa kubanika lumwenga,
kikutimila aho ni usengelo.

Waefeso 2:8,9

Kwaviya myokolwa kwa mbazi za Mnungu kombokela
umhuwi. Mbuli ino hailaile kwa kukombeka kwenyu, idi ni
ngeleko kulawa kwa Mnungu. Naho hiyo kwa udamanyi
wenyu, mnt'hu yeyose anase kukeduvya.



Walumi 10:9,10

Unalonga kwa mnomo wako kugamba Yesu ni Zumbe, no kuhuwila mwo moyo wako kugamba Mnungu amuyulaga, nouyokolwe. Kwaviya mnt'hu anahuwila mwo moyo azumilwa kunda ywedi hameso ha Mnungu, na kwa mnomo mnt'hu alonga na kuyokolwa.

Yohana 3:16,17

Kwaviya Mnungu nakawaungisa want'hu wa mwe isi niyo amwigala Mwanawe heena miyawe vileke kila yumwenga akumhuwila asekwaga mna ande no ugima wa ulo na ulo. Kwaviya Mnungu hamletile Mwanawe mwe isi vileke awasengele want'hu wa mwe isi, mna keza vileke isi iyokolwe kwombokela yehe.



1 Yohana 5:11-13

Naho uno nuwo uwona, Mnungu nakakink'ha ugima wa ulo na ulo, naho ugima uwo chaupata kwa Mwanawe. Yeyose ananaye Umwana ananawo uwo ugima, heena naye Mwana ywa Mnungu hananawo uwo ugima.

Nawawandikilani vileke mmanye kugamba mnanao ugima wa ulo na ulo nyuwe mkuhuwila mwe dizina dya Mwana ywa Mnungu.



Matayo 8-9; Maliko 1-2, 4; Luka 4, 8; Yohana 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Nguu NT (ngp) © The Word For The World and
Pioneer Bible Translators, 2014

<https://www.bible.com/bible/1043/MAT.1.NGBV>

©2026 Bible for Children, Inc.

www.M1914.org

www.bibleforchildren.org

